



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XL.

urn:nbn:de:hbz:466:1-11453

nibus grauent, & maiori quàm vlli principes imposto onere dominantur: id quò literis ad vicinas & longinquas vrbes perscribere: nouum concilium ex mechanicis viris exercere: clamoribus, non consilio, rem omnem egere. Cetera benè morata vrbes, rem miserandam, & ipso exemplo perniciosam, putauere non impunitam relinquendam. Non sunt passa, mercatores eius vrbis in temporijs diuersari: (Hoc vocant Hansa eijcere & proscribere, cum illis priuilegiorum vsu & communionem interdicitur) Sed qui intus mansere, contempsere eam animaduersionem, quae paucos attigit.

CAPVT XL.

Oppidum Aldenborg, in terra palustri situm ad Pbrisiā, per ea tempora de Depholt comes, adiunctis nonnullis, in quibus erat decanus Bremensis, cum simultatem grauem gereret aduersus Conradum de Aldenborg comitem, noctū ingressus, cepit. Ingressi via non longinqua ab arce, ad Veterem, vt vocant, ciuitatem perueniunt. Erant qui peruiigilantes ad ludum tota nocte sederent talorum. Hi primi, hostilem experti tumultum, ad nolam procurrunt, signum capti oppidantes. Sono excitati ciues per noctem insolito, cum hostes adesse sentirent, tecta domorum petunt: Ianuis obseratis, & coctilibus inde lapidibus proiectis, cogunt hostes ad exeundum quod cepere oppidum. Quingenti erant qui venere. Ciues concepta fiducia, sequuntur egredientes, & aperto iam campo manum cōserunt: inde alacriores, quod oppido eiecissent, iam acie pugnant. Vincuntur à ciuibus hostes, caduntur militares non pauci. Capitur decanus Bremensis, & ad Conradum comitem, cum aliquantis concaptiuis, pertrahitur. Ille docuit, non hoc esse oppida capere, quod chorū adire.

Quo

Quo tempore oppidum quoque Honouer grauiter infe-
statur à vicinis militaribus. Hominem infelicem con-
duxere quidam precio, qui ignem quatuor locis colloca-
tum, vnà curaret inflammari: vt occupati ciues restin-
guendo incendio, minùs attenderent murorum custo-
diam: Illi interim iuxta conuentum Minorum introi-
rent, rebus antè comparatis. Deprehensus infelix ille in
conatu, ad supplicium pertrahitur, nihil aliud fassus,
quàm à fratre religioso se precio conductum: Ità res
permansit infecta. Exemplum autem Brunswiccensi-
um sequuti ciues Northusenses: Nam initid in carce-
rem coniecere vrbis sua concilium, & media deindè
nocte ferè omnes caduntur gladio. Proh vulgus,
pelagus, indeclinabile virus. Omni be-
stia crudelior & immanior
seuit ira popularis.

Ty

SAXO-